



Uunga
Andreas Uldum, Demokraatit

Juullip inua pillugu apeqquteqaammut nr. 208-mut akissut

Inatsisartut Suleriaasianni § 37 naapertorlugu juullip inua pillugu
apeqquteqaateqarputit.

Dato: 3. november
2011

Juullip inua pillugu saaffiginnissutinnut qjanaq.

Postboks 1601
3900 Nuuk
Oq/tel +299 34 50 00
Fax +299 32 56 00
isiin@gh.gl
www.nanoq.gl

Nuuk Tourismip 2006-imi Santa Claus of Greenland Foundationimut piginnaatitaaffiit Tele Greenland A/S-imit pisiarai, tassunga ilanngullugit aamma pisiarineqarput Juullip Inuata Allaffia aamma Allakkanik Nakkartitsivik. Nuuk Tourismip takomarissat nunatsinnut kajuminnilersinnissat siunertaralugu pisinerminut atatillugu kalaallit juullip inuanik inuussutissarsiuutigalugu nittarsaassinissamut periarfissaat ineriartortissallugit periarfissarilerpaa. Inuussutissarsiornermut Suliffeqarnermullu Naalakkersuisoqarfik juullip inuata allagarsiaanik akissuteqarnissaq pillugu ingerlatseqatigiiffimmit saaffigineqarsimangilaq, taamaattumillu tassunga tunngatillugu iliuuseqarnissaminut periarfissaqarani. Juullip Inuata Allagarsiai Nuuk Tourismip pigisarai, taamaattumillu suliffeqarfiup taassuma kisimi imaluunniit suliffeqarfik akiliisinnaajunnaartutut nalunaarsimappat suliffeqarfiup akiliisinnaajunnaarnerminut atatillugu suliarinnittuata suliffeqarfiup pigisai kisimiilluni suliarisinnaavai.

Taamaattumik nunarsuarmi tamarmi juullip inuata Kalaallit Nunaanni najugaqarneragaanerani isiginninneq 2006-imili Naalakkersuisut sulissutigisimangilaat. Tassanili pineqarpoq nunat assigiinngitsut juullimut ileqqutoqqanik aallussinerat, juullip inuata Qalasersuarmi, Sibiriame, Saamit Nunaanni imaluunniit Kalaallit Nunaanni najugaqarneranut tunngassuteqartoq. Nuuk Tourism A/S-imit Naalakkersuisunut saaffiginnissuteqartoqassagaluarpat, tamanna malittarisassat atuuttut naapertorlugit nalilersorneqassaaq.

Neriuppunga qulaani akissuteqaatikkut apeqqutitit akisimassallugit.

Inuussutissarsiornermut Sulisoqarnermullu Naalakkersuisoq

Ove Karl Berthelsen
Inuussutissarsiornermut Suliffeqarnermullu Naalakkersuisoq